

Binghgizlinz Ok Oenq

□ Vangz Gijveiz / 黄启维

Gangj daengz gij binghgizlinz rox ok oenq, lauhei q mwngz roxnyinh geizheih lai lo, binghgizlinz mbouj dwg gyoetbyambyam ma, baenzlawz miz oenq ne? Aen gojgaeq lij aeu daj aen seizhah 5 bi gonq gangj hwnj cijndaej bw.

5 bi gonq seizhah, Dahvaz youq ndaw mbanj rungh doeg siujyoz it nienzgaep, geizbyai gaujsi, de gauj ndaej mingz daih' it ndaw ban, bungj mbaw ciengcang he angqvauvau buet maranz. Daxboh cam de naeuz siengj aeu maz ciengjli? Dahvaz gik-doengh naeuz siengj gwn binghgizlinz, hoeng seizde ndawranz mbouj miz binghgizlinz, daxboh cij ndaej dap-wngq de ngoenz lawz bae haw caiq cawx maranz. Doeklaeng Dahvaz lij caeueq daxboh rag fwngzlw g gangj dingh gvaq ne.

Dahvaz lij caengz ndaej gwn binghgizlinz gvaq, cij dingqgangj naeuz binghgizlinz gig ndeigwn.

Hainduj geij ngoenz, Dahvaz cungj mbouj dingz mbouj duenh cam daxboh seiz lawz cij ndaej bae haw cawx binghgizlinz? Vihneix, daxboh Dahvaz geij ngoenz de cungj dwg hwnj bya bae ra huq bya. Sinhoj le geij ngoenz, cij ra ndaej di ywdoj caeueq gaeb ndaej 3 duzhaet.

Ngoenz daihhaj dwg ngoenz haw, haetromh, daxboh yaek haeu singz bae gai huq bya lo, Dahvaz caeux-caeux couh hwnq congz yaek gaen daxboh bae haw, hoeng daxboh naeuz ndaw haw liz ranz gya lai lo, roen bya youh nanz byaij raixcaix, mbouj hawj Dahvaz gaenlaeng. Dahvaz youh daengq sam daengq sei q daxboh naeuz cienfanh gaej lumz cawx binghgizlinz. Daxboh han de naeuz ngoenzneix itdingh cawx binghgizlinz ma. Siengj daengz yaek ndaej gwn binghgizlinz lo, naj Dahvaz riu baenz lumj duj va ngamq hai nei. Daxboh byaij gij loh bya coh gwnz haw, Dahvaz ndwn youq bakmbanj lwgda soengq daxboh, itcig daengz yawj mbouj raen aen ngaueuz

daxboh le cij maranz.

Banringz, ndit manhsaengsaeng, hoeng siengj daengz gij binghgizlinz ndeigwn haenx, ndaw sim Dahvaz angqvauvau, diemzsubsub bae, gij myaiz ndaw bak de nyaenx mbouj ndaej lae okdaeuj, de youh doq ndwnj roengz hoz bae. De soemh ndit ndatfwdfwd, daeuj daengz laj go-nganx bakmbanj ngiengxgyaeuj coh diuz roen bya ngutngut ngeungeu lumj saej duziengz nei yawj bae yawj dauq, muengh daxboh de vaiqdi daj gwnz haw dauqma, ndaej dai q dauq gij binghgizlinz de muengh haujai nanz, de roxnyinh lumjbaenz miz duznon ngah gwn he youq ndaw congghoz bonjfaenh mbouj dingz ningnwdnwd, ndwnj myaiz baez dem baez. Duzbid youq gwnz nyefaex miz hei q fouz rengz heuhngenge, hawj vunz baiqninz, de q hwnj de q roengz, daengngoenz doek cong, ronghndwen benz hwnj dingj-bya lo.

Daxboh dauqdae j dauqma lo, daengx gyauej hanh lae ndang dumz. Dahvaz de q mbouj gib cam naeuz: "Daxboh, binghgizlinz mwngz cawx ma lwi?" Daxboh angqfwngfwng ndenq hawj de aen habhaeux he, naeuz: "Binghgizlinz couh youq ndaw." Dahvaz baez dingq couh diuq hwnj-daeuj, seizneix de roxnyinh bonjfaenh dwg boux lwgnyez gwnz biengz cei q vuenyungz he, nyaenx mbouj ndaej ciengq go hwnjdaeuj. Hoeng mbehai aen habhaeux seiz, cix saetmuengh hemq hwnjdaeuj: "Daxboh, mwngz cawx gij binghgizlinz youq gyawz ha? Hw, mwngz yaeuh gou, mwngz yaeuh gou....." Dahvaz doeknai q daej-nganga hwnjdaeuj.

Yawj coh dahlwg raemxda hoij youq gwnz naj baenzlai, daxboh dawz habhaeux baez yawj, sawqmwh ngawz caez lo, 5 aen binghgizlinz cawx ma haenx, aenvih dienhei q ndat lai, youh byaij le cibgeij leix roen bya, gaenq yungz baenz raemx caez lo.

Raen dahlwg baenzneix saet-

muengh baenzneix nanzgvaq, de riu hix mbouj ndaej, daej hix mbouj dwg. Baenzlawz gejnaeuz hix mbouj cing-cuj, cij ndaej lumh dawz aen gyauej Dahvaz gangj naeuz: "Dahlwg gvai gou ha, daxboh cawx lo, hoeng gyoengqde yungz bae lo. Mbanj raeuz youq ndaw lueg, liz gwnz haw gya lai lo, loh bya gumzgamx, mbouj doeng ci, daj gwnz haw dauq aeu byaij geij aen cungdaeuz roen bya, danghnaeuz raeuz youq ndaw singz miz aen ranz....."

Haemhde, Dahvaz gwn mbouj roengz doxgai q maz couh haeu rug bae lo, daj seizhaenx hwnj, ndaej gwn gij binghgizlinz couh baenz le gij simmuengh de. De ciengzseiz guh fangzhwnzloq, loqraen ranz de ndaej youq ndaw singz cawx ranz, swheij hix ndaej youq ndaw singz doegsaw, ndaej gwn daengz gij binghgizlinz ngamq daj ndaw binghsiengh dawz okdaeuj, myaiz lihliklik. Moix baez loq fangzhwnz singj le couh caeueq daxboh lwnh naeuz gij saeh de loqraen, daxboh gujli de naeuz, cijaeu roengz-rengz hag doxgai q daengzcog couh ndaej youq ndaw singz cawx aen ranz duh bonjfaenh bw.

Saedcej couh baenzneix mbouj gaenj mbouj menh gvaqbae, Dahvaz geijlai maqmuengh swheij ndaej caeuxdi youq ndaw singz miz aen ranz swheij ha, miz ranz le de couh ndaej gwn gij binghgizlinz ngamq daj ndaw binghsiengh dawz okdaeuj lo.

3 bi gaxgonq, guekgya raeuz saedhengz cingcinj banggunz, vih bang gyoengq bouxgunz duetgunz, saedhengz gij cwnqczw senj dieg buen ranz bouxgunz, daj ndaw rungh ndaw bya buen okrog daeuj, ranz Dahvaz couh ndaej buen daengz aen siujgih ndaw singz cwnqfuj senj dieg hwnj ranzlaeuz moq bae youq.

Dahvaz caeueq daegnuengx de ndaej youq aen hagdangz ndaw siujgih hwnjhag. Daxmeh haeu aen cehgenh siujgih banggunz bae guhhong. Daxboh ndaej ganbu bangfuz bangcoh,



hag rox gij gisuz, bae aen gunghcangj guh dou, aen gunghcangj liz siujgih mbouj gya. Daj seizneix hwnj, ndaw ranz souhaeuj couh bienq lai caemhcai q onjdingh lo.

Bineix seizhah, Dahvaz youq geizbyai gaujsi youh gauj ndaej mingz daih' it ndaw ban, ngoenzde, daxboh Dahvaz daj ndaw binghsiengh ndaw-ranz dawz aen binghgizlinz okdaeuj dajciengj de.

Ndaw ding ronghsagsag ranz moq, caezgya humx naengh youq sahfaz yawj densi. Dahvaz aeu linx riz gij binghgizlinz gyoetgyatgyat, de angq ndaej naeuz gij binghgizlinz ok oenq neix caen ndeigwn ha! Raen de baenzneix sim' angq, daengx ranz vunz hix angqvauvau, cai q siengj hwnj aen seizhah 5 bi gonq haenx, daxboh roxnyinh seizneix gij ndwenngoenz bonjfaenh lumj youq diegsien nei, gaxgonq baenzlawz hix mbouj gamj siengj.

Dahvaz roxnyinh daengz seiz-neix swheij dwg geijlai vuenyungz ha, de nyaenx mbouj ndaej ciengq go gag bien: Angqangq fofu daeh doxgai q haeu ranz moq, angqangq fofu aemq daehsaw hwnj hagdangz moq, gij binghgizlinz moq rox ok oenq neix baenzlai ndeigwn.....

Yienghneix, Mehlungzbyauh bae ra Buzsimjsam boux cienmonz youq gya' gyawj guhmoiz haenx, Buzsimjsam hainduj baedauq song ranz neix, yaek naemj caeuxdi guh baenz dan moiz neix, hix ndei bae gwn laeuj, aeu faenh ngaenz guhmoiz.

Seizneix Lungz Byauh yienznaeuz gij baksieng caengz ndei, hoeng de gig angq, bouxgyaez seiz mbouj seiz ndaej youq ndaw fangzhwnz loqraen, henz dah saeg buh, gwnz bya gvej nya, saeh gaxgonq gienhgienh dauqngeix, lumj diuz dah gaeuznyeunyeu caemhcai q homfwdfwd he, youq ndawsim de hwnzngoenz lae mbouj dingz.

Daxmeh de hix hainduj guh cinjbi coux lwgbawx lo, daj mbanj-nden cawx ndaej song duz moulwg, caeueq daxau ndaw gyog cawx le song

·Sawcuenhraz Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

duz yiengzlw, dajsuenq ciengx gyoengq doihduz neix hung lo, cingqngamj daengz ngoenz coux lwgbawx banh laeuj gaj gwn. Aen ranz neix yienznaeuz cij miz song mehlwg, hoeng hix angqfwngfwng.

Gij baksieng gahengh Lungz Byauh haenx gaenq mbouj gawh lo, ywdoj cix cimqnduk gij baksieng baenz aen cong h hung gvaq doengz-cienz, gwq lae raemxnong saekhoengz caeueq saekhau. Aenvih deng sieng

youq giz gyangndok gahengh, gig nanz ndei, ndigah gwq oep dwk ywdoj, hawj Lungz Byauh gig mbouj cwxcaih.

Mboujgvaq, gij baksieng haenx mbouj yingjyangj de gwn ninz byaij roen, vihliux mbouj cai q baenzneix mbwq, de youh hwnj bya bae ra Siu Cuh. Hoeng, mwhneix ngamq daengz seizcou, cingq dwg seiz youq ndaw naz gvej haeux nyaengqnyatnyat. Gyoengq dahsau camhseiz mbouj youq gwnz

bya gvej nya lo, cij miz bya faex ciuqgaeuq, cix noix le gij ngaueuz Siu Cuh. Lungz Byauh youq laj go faexhung haenx gvaeh ndaej haujai nanz, youh yawjyawj ranghdieg deng Siu Cuh raemj gvej haenx, lw miz mbanj goek rum goenq faexcaz raez dinj mbouj doxdoengz, lumj youq ndaw bouqdaeqgyaeuq raen aen gyauej deng fagdaeq ngoemx daeq nei.

(caengz sat)